

道行般若波羅蜜經卷第六

淡六

後漢月支三藏  
支婁迦誠譯

阿惟越致品第十五

須菩提白佛言阿惟越致菩薩當何以比當  
何以觀其行當何以相當何以從知是阿惟

淡六

越致菩薩佛言阿惟越致菩薩如逮得禪者  
不動搖如羅漢辟支佛地佛地是佛地如本  
無終不動佛說本無聞不言非空是中本無  
入本無是所本無如本無亦不言非如是入  
中入中已聞是本無已若轉於餘處聞心終

不疑亦不言是亦不言非如是本無如本無  
住其所語不輕所言不說他事但說中正他  
人所作不觀視用是比用是相行具足知是  
阿惟越致菩薩阿惟越致終不形相沙門婆  
羅門面類不祠祀跪拜天不持華香施於天  
亦不教他人爲身不生惡處不作女人人身常  
持十戒不煞生強盜淫泆兩舌嗜酒惡口妄  
言綺語不嫉妒瞋恚罵詈不疑亦不教他人  
爲身自持十戒不疑復教他人守十戒於夢  
中自護十戒亦復於夢中面自見十戒阿惟

越致心學諸法皆安隱爲世間人說經持深經授與令得分德住悉致願使得經令用分德住阿惟越致聞說深經時終不疑不言不信亦不恐懼所語柔軟微妙至密少睡卧行步出入心安諦無亂時徐舉足蹈地安隱顧視所斐服衣被淨潔無垢汙無蚤蟲身中無八十種蟲所有功德稍稍欲成滿心極清淨悉受得之其功德過出於世間須菩提白佛言云何菩薩心清淨當何以知之佛言是菩薩所作功德轉增多其心極上自在無所罣

礙悉逮得其功德是心甚清潔清潔過於阿羅漢辟支佛道上如是阿惟越致有來供養者不受用喜一切無慳貪說深經時未嘗於中有厭極也正在智中深入若餘所欲有問深經者持是深般若波羅蜜爲說之其有他道所不能正者持是深般若波羅蜜爲正之道從是經中所出法悉持無常之事相語之諸二次六世間經書所不能解者持是深般若波羅蜜爲解之用是故弊魔來到是菩薩所便於邊化作八大泥犁其一一泥犁中有若干百千

菩薩化作是已便指示之言是輩皆阿惟越致菩薩從佛受決已今皆墮泥犁中佛為授若泥犁耳設若作阿惟越致受決菩薩者若當受疾悔之言我非阿惟越致若悔之言爾者便不復墮泥犁中當生天上佛言設是菩薩心不動轉者是阿惟越致弊魔復化作其師被服往到菩薩所詭語若前從我所聞受者今悉棄捨是皆不可用也若自悔過受疾悔之隨我言者我日來問訊汝不用我言者終不復來視汝若莫復說是事我不復欲聞

是故說是皆非佛所說餘外事耳汝今更受我所語我所說皆佛語佛言菩薩聞是言其心動轉者不從過去佛受決未上菩薩舉中未在阿惟越致地設是菩薩心不動轉者知是深經空所致作是思惟終不信他人語譬若比丘得阿羅漢不復隨他人語悉明見經中證是為空所致終不可動如阿羅漢辟支佛道所念法終不可復還是菩薩為在阿惟越致地住正住向佛門終不可復還是為極度用是比用是相行具足知是阿惟越致菩

淡六

三

薩復有弊魔化作異人往到菩薩所作是語  
若所求爲勤苦耳不求佛法也若空負是勤  
苦爲用是勤苦之難爲求于若在惡道中以  
來大久適今得爲人汝不當於是中思惟不  
當自患厭耶當復於何所更索是軀汝何不  
早取阿羅漢道用佛爲求之是菩薩心不動  
轉者知是阿惟越致弊魔不能動轉捨去更  
作方便化作若干菩薩在其邊住因指示言  
若見不耶是悉菩薩皆供養如恒中沙佛以  
皆與衣被飯食牀卧具醫藥悉具足皆從如

恒中沙佛受行法問慧當所施行如法住如  
法求皆入中作是學作是受作是行悉以尚  
不能得佛若學以來甫爾當何因得佛菩薩  
聞是言心不動轉者弊魔復捨去不遠復化  
作諸比丘示之言是悉阿羅漢過去世時皆  
求菩薩道不能得佛今皆取阿羅漢已如是  
比丘若當何從得佛菩薩聞是語心不動轉  
如覺知魔爲佛言作是學作是求作是行於  
是深般若波羅蜜中住心不動轉者如是比  
相行具足知是阿惟越致佛言菩薩當作是

學作是求護是教受佛教當念行於他方間  
魔語如是心不動轉不可移覺知魔爲菩薩  
作是學不得佛者佛語爲有異佛語終不欺  
也弊魔復往到菩薩所作是詭燒言佛如空  
是經不可得邊幅不可得底是經中我悉知  
淡六  
已皆空耳若爲是中勤苦若不當覺知魔爲  
此事魔作是經云何欲於中欲得作佛是非  
佛所說菩薩當諦覺知是魔所爲菩薩作第  
一禪第二禪第三禪第四禪三昧越阿惟越  
致不隨緣是四禪是所禪作三昧越用人入

欲中故禪三昧是菩薩終不隨禪教其功德  
極過禪上去有共稱譽名字者不用喜不稱  
譽者亦不用作憂其心終不動亂常念世間  
人善出入行步坐起常端心正志少婬意在  
家者與婦人相見心不樂喜常懷恐怖與婦  
人交接念之惡露處不淨潔非我法也盡  
我壽命不復與相近當脫是惡露中去譬言若  
有人行大荒澤中畏盜賊心念言我當何時  
脫出是厄道中去當棄遠是淫泆畏懼如行  
大荒澤中亦不說其人惡何以故諸世間皆

欲使安隱故也佛言如是菩薩其福具足得  
之是皆深般若波羅蜜威神力使作是念是  
菩薩和夷羅洹化諸鬼神隨後亦不敢近附  
菩薩終不失志心不妄起身體完具無瘡癩  
極雄猛終不誘他人婦女若有治道符呪行  
後六五  
藥身不自爲亦不教他人爲見他人爲者心  
不喜也終不說男子共女人爲事亦不說非  
法之事亦不生惡處用是比用是相行具足  
知是阿惟越致菩薩須菩提白佛言菩薩用  
何等故名爲阿惟越致佛言菩薩不與國王

若世俗城郭聚落會人從事不與盜賊若軍  
師兵刃從事不與男子女人從事不與餘道  
人若祠祀諸鬼神酒肉穀食從事不與香及  
燒香若繒綵利業調戲從事不與海中若諸  
所欲從事不與弊惡無反復好鬭亂人者從  
事但與深般若波羅蜜從事心終不遠離薩  
芸若常在中不忘常行中正無有行時常稱  
譽賢善者上願常隨善知識不與惡知識相  
隨常求佛法願欲生異方佛刹用是故常與  
佛相見供養之從欲處色處空處從彼間來

生中國常於善人黠慧中生在工談語曉經書家生常不好豫世俗之事生不犯法常在大國中生未嘗在邊地生也用是比用是相行具足用是故名爲阿惟越致菩薩終不言我是阿惟越致亦不言我非亦不疑我非阿惟越致地亦不言我是阿惟越致地譬如若有  
人得須陀洹道自在其地終不疑魔事適起即覺知魔稍稍來不聽隨在阿惟越致地終不疑不懈急譬若有人作惡逆盡其壽命心終不可轉使作善不念惡是惡心至死終不

休是菩薩住中正在阿惟越致地心不可移動十方終不能復轉其心自有道地終不疑無阿羅漢辟支佛心不念佛難得心大無有極安隱堅住其地無有能降之者作是住無有能過是黠者用是故弊魔大愁毒言是菩薩心如鋼鐵淡六不可轉便復更作佛形徃語菩薩言若何不於是間取阿羅漢證若未受決得阿耨多羅三耶三菩提不得是比不得是相菩薩用是比用是相行具足如是尚不得佛若當何因得之佛言設是菩薩聞魔語若

心不動者是菩薩從過去怛薩阿竭受決已得阿耨多羅三耶三菩提故覺知魔作佛形像來言是非佛也魔耳欲使我心搖我心不可轉佛言是菩薩心不可動轉者從過去怛薩阿竭受決已授阿耨多羅三耶三菩提住阿

及諸弟子說經時心終不疑亦不言非佛言聞說深般若波羅蜜經心不有疑亦不言非如是菩薩遠無所從生法樂於中立持是功德悉具足用是比用是相行具足是爲阿惟越致菩薩

怛竭優婆夷品第十六

漢大

七

惟越致地何以故用是比用是相行具足故知是阿惟越致菩薩悉得法者悉行中正當代不惜身命是菩薩一切法悉受得之過去當來今現在佛所有法悉得持護用是故當爲不惜身命未嘗懈怠無有厭時怛薩阿竭

須菩提白佛言阿惟越致菩薩極從大功德起常爲菩薩說深法教入深佛言善哉善哉須菩提若乃內菩薩使入深何等爲深空爲深無想無願無識無所從生滅泥洹是爲限

須菩提白佛言泥洹是限非是諸法佛言諸法甚深色痛癢思想生死識甚深何等爲色痛癢思想生死識甚深如本無色痛癢思想生死識本無爾故甚深須菩提言難及也天中天色痛癢思想生死識安消去便爲泥洹佛言甚深與般若波羅蜜相應當思惟念作是住學如般若波羅蜜教菩薩隨是行當思惟念如中教應行一日是菩薩却幾劫生死譬如淫泆之人有所重愛端正女人與共期會是女人不得自在失期不到是人寧有意

念之不耶須菩提言其人有念思想當到欲與相見坐起宿止言語佛言其人未到之間能有幾意起念須菩提言是意甚多甚多佛言菩薩念深般若波羅蜜如是一日心不轉者却生死若干劫菩薩學般若波羅蜜如中教如中所說思念隨是行一日爲却惡除罪若有菩薩遠離深般若波羅蜜正使布施如恒中沙劫不如是菩薩隨深般若波羅蜜教一日其功德出彼上若復有菩薩壽如恒中沙劫并持前所布施與須陀洹斯陀含阿那

舍阿羅漢辟支佛佛不得深般若波羅蜜若復有菩薩隨深般若波羅蜜中行如中教其功德出彼上若復有菩薩壽如恒中沙劫布施如前持戒具足若復有菩薩求深般若波羅蜜從念起說經其功德出彼上若復有菩

波大

薩持經布施其功德轉上得阿耨多羅三耶薩持經布施以來深入是中隨是三菩是菩薩持經布施以來深入是中隨是教其功德出彼上若復有菩薩以經布施不深入是中轉不及也若復有菩薩持經布施復深入是中未嘗有離時爲般若波羅蜜所

護其功德甚多甚多須菩提白佛言所識有著者此二何所功德爲多佛言菩薩所識若求深般若波羅蜜樂於空樂無所有樂盡樂無常念是爲不離般若波羅蜜如是菩薩得功德不可計阿僧祇須菩提白佛言不可計復言阿僧祇有何等異佛言阿僧祇者其數不可盡極也不可計者爲不可量計之了不可得邊涯爾故爲不可計阿僧祇須菩提言佛說不可計色痛癢思想生死識亦不可計佛語須菩提汝所問者有因使色痛癢思想

生死識不可計不可量須菩提問佛何等爲不可量佛言於空中計之爲不可量無想無願計之如是不可量須菩提言空計是法不可計佛言云何我常不言諸法空須菩提言如恒薩阿竭凌六所說法悉空佛言諸法悉空不可盡不可計經無有各各慧無有各各異怛薩阿竭但分別說耳空不可盡不可量是想是願是識是生是欲是滅是泥洹隨所喜作是爲說作是示現作是爲教恒薩阿竭九所說如是須菩提言難及也天中天經本空耳云

何復於空中說經是經不可逮如我了佛語諸法不可逮佛言如是諸法不可逮佛言如是諸法不可逮空耳是爲不可逮須菩提言如佛說本無不可逮願解不可逮慧有增有減佛言不也須菩提言若有不可逮慧有增有減檀波羅蜜戶波羅蜜羼提波羅蜜惟逮波羅蜜禪波羅蜜般若波羅蜜不增不減若不增波羅蜜者菩薩何因近阿耨多羅三耶三菩何緣得阿惟三佛設不減波羅蜜者菩薩何因近阿耨多羅三耶三菩何緣近阿惟

三佛坐佛言是不可逮慧不增不減菩薩求深般若波羅蜜若守者如是漚懃拘舍羅菩薩不念檀波羅蜜增亦不念減復作是念但名檀波羅蜜所布施念持是功德施與作阿耨多羅三耶三菩施如是尸波羅蜜羼提波羅蜜惟逮波羅蜜禪波羅蜜菩薩求般若波羅蜜若守者得漚懃拘舍羅不念般若波羅蜜有增有減是但名爲般若波羅蜜求之若守者發心念持是功德施與作阿耨多羅三耶三菩須菩提白佛言何等爲阿耨多羅三

耶三菩佛言本無是也是本無不增不減常隨是念不遠離是即爲近阿耨多羅三耶三菩坐不可逮法不可逮慧若般若波羅蜜皆不增不減菩薩念是不遠離爲近阿耨多羅三耶三菩須菩提白佛言菩薩持初頭意近阿耨多羅三耶三菩若持後頭意近之佛言初頭意後來意是兩意無有對須菩提言後來意初頭意無有對何等功德出生長大佛言譬如然燈炷用初出明然炷用後來明然燈炷須菩提言非初頭明然炷亦不離初頭

淡大

明然炷亦非後明然炷亦不離後明然炷佛  
問須菩提云何如是不須菩提言如是天中  
天佛言菩薩不用初意得阿耨多羅三耶三  
菩亦不離初意得亦不用後意得亦不離後  
意得也佛言云何是爲得阿惟三佛不須善  
提言阿惟三佛甚深是因緣菩薩不用初意  
得阿耨多羅三耶三菩亦不離初意得亦不  
用後意得亦不離後意得也佛言云何心前  
滅後復生耶須菩提言不也佛言心初生可  
滅不須菩提言可滅佛言當所滅者寧可使

不滅須菩提言不也佛言本無寧可使住不  
須菩提言欲住本無當如本無住佛言設令  
在本無中住寧可使發堅不本無寧有心無  
心不離本無寧有心不見本無不作是求爲  
深求不須菩提言天中天作是求爲無所求  
何以故是法了不可得亦不可見佛言菩薩  
淡大  
求般若波羅蜜爲求何等須菩提言爲求空  
佛言設不空爲求何等須菩提言爲求想佛  
言云何去想不不也是菩薩爲不去想須菩  
提言不作是求忘想何以故求想盡者設想

滅者即可滅也便得阿羅漢是爲菩薩溫惁拘舍羅不滅想得證向無想隨是教舍利弗謂須菩提若有菩薩有三事向三昧門守三昧門一者空二者無相三者無願是三者有益於般若波羅蜜不但晝日益夜夢中亦當復益何以故佛說晝日夢中等無異須菩提言若有菩薩晝日有益於般若波羅密夜夢中亦復有益舍利弗言云何若夢中有所作是起舍利弗言菩薩夢中布施持是施與作阿耨多羅三耶三菩如意是有施與無須菩提言夢中所作善覺大喜爲益夢中所作惡覺

不喜爲減舍利弗言設於夢中殺人其心喜覺以言我殺是人快乎如是云何須菩提言不姑爾皆有所因緣心不空爾會有所因緣若見若聞若念爲因緣爾故知耳從是中令人心有所著令人心無所著是爲不忘爾皆有所因緣故舍利弗言所作皆空耳何因心有所因緣須菩提言想因緣是故心因緣從是起舍利弗言菩薩夢中布施持是施與作阿耨多羅三耶三菩如意是有施與無須菩提言彌勒菩薩近前在旦暮當補佛處是故知

當從問舍利弗白彌勒菩薩我所問須菩提  
言彌勒菩薩能解之彌勒言如我字彌勒當  
解乎當以色痛癢思想生死識解慧乎持是  
身解耶若空若色痛癢思想生死識解慧色  
痛癢思想生死識空無力當所解是法了不

淡大

十二

見也亦不見當所解者是法了不見當得阿  
彌多羅三耶三苦者舍利弗言彌勒菩薩所  
說爲得證彌勒言不也我所說法不得證舍  
利弗便作是念彌勒菩薩所入慧甚深何以  
故常行般若波羅蜜以來大久遠矣佛問舍

利弗云何若自見作阿羅漢時不舍利弗言  
不見也佛言如是菩薩不作是念我受決是  
法當於中得阿惟三佛亦無有得阿惟三佛  
菩薩作是行爲求般若波羅蜜終不恐我不  
得阿惟三佛隨是法中教求般若波羅蜜用  
是故齋無所畏菩薩至大劇難虎狼中時終  
不畏怖心念言設有啖食我者爲當布施行  
檀波羅蜜近阿彌多羅三耶三苦願我後作  
佛時令我刹中無有禽獸道菩薩至賊中時  
終不怖懼設我於中死心念言我身會當棄

捐正令我爲賊所殺我不當有瞋恚爲具忍辱行羣提波羅蜜當近阿惟三佛願我後得佛時令我刹中無有盜賊菩薩至無水漿中時心不畏怖自念言人無德使是間無水漿願我後得阿惟三佛時使我刹中皆有水漿十三淡六  
令我刹中人悉得薩芸若八味水菩薩至穀貴中時心不恐怖自念言我當精進得阿惟三佛使我刹中終無穀貴令我刹中人在所願所索飲食悉在前如忉利天上食飲菩薩在疾疫中時心念言我終無恐懼正使我身

死是中會當行精進得阿惟三佛令我刹中無有惡歲疾疫者必當降伏魔官屬佛言菩薩聞是阿耨多羅三耶三菩阿惟三佛却後大久遠乃得佛者心不恐怖從本際起意學以來用不爲久也譬如人意一轉頃耳何以故無有本際故佛說是時有優婆夷從坐起前至佛所爲佛作禮長跪白佛言我聞是不恐怖必降恐怖之處索阿耨多羅三耶三菩得阿惟三佛已當說經佛笑口中金色光出優婆夷即持金華散佛上持佛威神華皆

不墮地阿難從坐起更被袈裟前爲佛作禮長跪問佛言佛不妄笑既笑當有所說佛言是怛竭優婆夷却後當來世名星宿劫是中有佛名金華佛是優婆夷後當棄女人身更受男子形却後當生阿閻佛刹從阿閻佛刹去復到一佛刹從一佛刹復生一佛刹如是無終極譬如遮迦越王從一觀復遊一觀從生至終足不蹈地是優婆夷從一佛刹復到一佛刹未嘗不見佛阿難心念如阿閻佛刹諸菩薩會者是爲佛會耳佛知阿難心所念

佛言是諸菩薩會者悉度生死已是優婆夷後當作金華佛度不可計阿羅漢令般泥洹是時佛刹中無有禽獸盜賊無有斷水漿若穀貴疾疫者其餘惡事悉無有阿難問佛是優婆夷從何佛已來作功德佛言乃昔提和竭羅佛所作功德初發意求佛提和竭羅佛特亦復持金華散佛上願言持是功德施與阿釋多羅三耶三菩者佛言如我持五華散提和竭羅佛上即逮得無所從生法樂於中立授我決言却後無數劫若當爲釋迦文佛

是優婆夷爾時見我從佛授決其心亦念我亦當授決得阿耨多羅三耶三菩如是菩薩受決佛語阿難是怛竭優婆夷於提和竭羅佛所初發起本阿耨多羅三耶三菩阿惟三佛阿難白佛言是怛竭優婆夷所求已度佛言已度

守空品第十七

須菩提白佛言菩薩行般若波羅蜜何等爲入空何等爲守空三昧佛言菩薩行般若波羅蜜色痛癢思想生死識空觀當作是觀一

心作是觀不見法如是不見法於法中不作證須菩提言佛所說不於空中作證云何菩薩於三昧中住於空中不得證佛言菩薩悉具足念空不得證作是觀不取證作是觀觀人處甫欲向是時不取證不入三昧心無所著是時不失菩薩法本不中道得證何以故

淡六

十五

本願悉護薩和薩故爲極慈哀故自念言我悉具足於功德是時不取證菩薩得般若波羅蜜護得極大功德悉得智慧力譬若人能勇悍却敵爲人極端正猛健無所不能悉曉

兵法六十四變皆知習之爲衆人所敬若有  
所至處無不得其力者有所得者轉分布與  
人其心歡欣若有他事與父母妻子俱去過  
大劇道危難之中安隱父母語其妻子言莫  
有恐懼當俱出是難中既出得送父母妻子  
歸鄉里不逢邪惡到家莫不歡欣者何以故  
用是人勇悍多智慧黠健故是菩薩行極大  
慈心念十方薩和薩是時持慈心悉施人上  
是菩薩過阿羅漢地出辟支佛地於三昧中  
住悉愍傷薩和薩無所見於是中不取證入

空中深不作阿羅漢菩薩作是行時爲行空  
三昧向泥洹門不有想不入空取證譬若飛  
鳥飛行空中無所觸礙菩薩行甫欲向空至  
空向無想不墮空中不墮無想悉欲具佛諸  
法譬若工射人射空中其箭住於空中後箭  
中前箭各各復射後箭各各中前箭其人射  
欲令前箭墮爾乃墮菩薩行般若波羅蜜爲  
溫恕拘舍羅所護自於其地不中道取證墮  
阿羅漢辟支佛地持是功德逮得阿耨多羅  
三耶三菩功德盛滿使得佛菩薩於經本中

觀不中道取證須菩提白佛言菩薩慊苦作  
是學不中道取證佛言是菩薩悉爲護薩和  
薩守空三昧向泥洹門心念分別何等爲分  
別守空三昧無相三昧是爲分別  
淡六  
溫惣拘舍羅使是菩薩不中道取證何以故  
十六  
溫惣拘舍羅護之故心念一切薩和薩持  
是所念故得溫惣拘舍羅不中道取證若菩  
薩深入觀守空三昧向泥洹門無相三昧向  
泥洹門無願三昧向泥洹門用是故分別大  
久遠已來人所因緣想中求得阿耨多羅三

耶三菩爲說經當使棄是因緣守空三昧守  
無相三昧守無願三昧向泥洹門皆不中道  
取證菩薩如是念久遠人呼常有想常有安  
想常有我想常有好想各本我作阿耨多  
羅三耶三菩時用人故爲說經使斷有想有  
妄想有我想有好想悉斷求云何斷是常無  
常是樂皆苦是身非身是好皆醜菩薩自心  
念爲得溫惣拘舍羅守空守無相守無願三  
昧向泥洹門不中道取證若有菩薩心念人  
發久遠已來求因緣求想求欲求聚想求空

想求是想皆現在菩薩言我一切欲使世間無有是用是念人故得惱拘舍羅是法觀空相願識無所從生齊限是菩薩不中道取證法當作是知云何菩薩求般若波羅蜜當曉習於法中心當何緣求心當云何入守空三昧守無相三昧守無願三昧向泥洹門皆不中道取證守無識三昧守無所從生三昧是菩薩不得決故守空三昧無相三昧無願三昧無識三昧無所從生三昧念是三昧竟有來問者不即持不可計心爲解者知是非

淡六  
阿惟越致菩薩何以故阿惟越致心無央數悉知用是比行不具足知是菩薩未得阿惟越致須菩提白佛言若有菩薩能解是者便爲阿惟越致佛言聞深般若波羅蜜若不聞能解者即是阿惟越致須菩提言不可計人求菩薩道少有能解者佛言能解者以受決已於是功德中極殊所知法者阿羅漢辟支佛所不能及諸天阿須倫龍鬼神所不及是爲阿惟越致相

道行般若波羅蜜經卷第六

音釋

淫 洪 淫 洪 淫 痘  
疥 古 八 切 痘 落 初 座  
疥 切 混 也 滯 落 良 切  
疥 古 疣 也 疾 乙 蓋 切  
疥 也 鎏 堵 古 錄 切  
疥 也 委 疾 也 錄 切  
疥 也 痘 疥 疫 子 皎 切  
疥 也 痘 疥 並 翳 人 之 疫  
疥 也 痘 疥 胡 乾 切  
疥 痘 疥 胡 乾 切  
疥 痘 疥 痘 疥 痘 疥